



*The Office Of The Principal and Vice - Chancellor*

**SOL MANDLA MAKHANYA, INHLOKO NELISEKELASHANSELA  
INYUVE SI YASENINGIZIMU AFRIKA  
IKHOMFA YESIFUNDVO SEMCULU WEMAYINI  
FUNCTION HALL, 4<sup>TH</sup> FLOOR KGORONG BUILDING  
29 APRELI 2019**

Mphatsiluhlelo, njengoba lesi kusikhungo semfundvo, ngicabanga kutsi kumele ngicale inkhulumo yami ngesetfulo leseihambisana nemfundvo. Ingikatimiseli noko, kuniketa inkhulumo leveta lokunyenti ngemayini netinhlelo legucukuca njalo etimbonini.

Lengifuna kukuveta luhlaka lolubanti, ngemcondvo wekubuta umbuto losisekelo : *IQuo vadis, imboni yetimayini yaseNingizimu Afrika?* Loku ngikwenta ngekulindzela kutsi Ngcongcoshe anganiketa letinye tetimphevndvulo letimasu ebutweni leminyenti yetfu, kantsi mhlawumbe nekuphvndvula letinye tetinconoto tami.

Kute sifinyelele lapho sikhona lamuhla, nginconota kutsi sibuke emuva kwekutsi timayini tatfutfukiswa njani eveni letfu. Loku kumele sikwente ngenhloso yekutsi sitfole tifundvo lesingatisebentisa esimweni sanamuha.

Sinaloku engcondvweni, ngifisa kukhuluma ngetincenyé letine lengicabanga kutsi tibalulekile kute kulungiswe letinye tetinsayeya letibukene nemkhakha wemayini lomuhla.

Kwekucala, ngitawubuka masinyane ekutfutfukisweni kabanti kwetimayini eNingizimu Afrika, nemshiyandvuku wato. Ngisebentisa lelitemu “timayini kabanti” ngamabomu ngobe timayini eNingiimu Afrika atikacali ngelikhulu lesi 19. Tifundvo letinye tiveta kutsi timayini eNingizimu Afrika tindzala njengebantfu ngekwabo.<sup>1</sup>

Kwesibili, ngitawuhlola letinye tetinsayeya letikhona nyalo lomkhakha lobukene nato.

Kwesitsatfu, ngitawunconota letinye tetintfo lettingentiwa kabusha lettingahlolwa.

<sup>1</sup> See, for instance: Evers, TM & Van der Berg, RP (1974) Ancient Mining in Southern Africa, with reference to a copper mine in the Harmony Block, North-Eastern Transvaal, *Journal of Southern African Institute of Mining and Metallurgy*, Volume 74, Number 6, 1 January 1974, pp. 217–226; More, CE (1974) Some Observations on 'Ancient' Mining at Phalaborwa, *Journal of Southern African Institute of Mining and Metallurgy*, Volume 74, Number 6, 1 January 1974, pp. 227–232; and, Evers, TM (1975) Recent Iron Age Research in the Eastern Transvaal, South Africa, *The South African Archaeological Bulletin*, Volume 30, Number 119/120, pp. 71–83

Kwekugcina, ngitawuniketa lamanye emasu ekubambisana lesingahle siwacabangele.

## **Ingucuko yeTimayini neSigaba Sekucala seCapitalism Yesimanje: 1870 kuya ku 1910, nangale kwaloko**

Ebhukwini lakhe la 2005, *An Economic History of South Africa: Conquest, Discrimination and Development*, Charles H. Feinstein utsi simo neluhambo Iwemlandvo wemnotfo waseNingizimu Afrika belilawulwa simo lesembeswe kwekubili bantfu nangulokumbiwa phansi.<sup>1</sup>

---

<sup>1</sup> Feinstein, Charles H (2005) *An Economic History of South Africa: Conquest, Discrimination and Development*. Cambridge, Cambridge University Press

Feinstein ayachubeka aveta kutsi loku bekuhlukile kulamanye emave, ikakhulukati labo labancotjwe imibuso yaseNtjonalanga, bekukunye kuloku lokubili, hhayi kokubili. Loku ikakhulukati bekungenca yekutsi, bekunekwembesa kwemvelo, lamave bekete bantfu.

Ngekungafani nebantfu bendzabuko base USA, New Zealand ne-Australia, bantfu bendzabuko baseNingizimu Afrika baba ngumbutfo locinile, ngekuya kwetinombolo. Kuhluka kwekwentiwa ikoloni kweNingizimu Afrika bekungasiko kutsi kucotfula kwebantfu bendzabuko, kodvwa kubagcinela kuhlukunyetwa njengoba bekunesidzingo sebasebenti besesicalile kantsi besikhula ngaphandle kwekuphatamiseka.

Nome ngabe sivuma kwekutsi bekute lubalobalo lolucondzile, Feinstein ecabangela kwekutsi bantfu bendzabuko bebeme lapha etigidzini letingu 1, 5 ekucaleni kwabo 1800. Ngetulu kwaloko, tbekunencenyе yesigidzi yalabo Labavela eNtjonalanga, lokwenta kutsi live libe nebantfu labangetulu kwetigidzi letingu 2.

Lokungenani kudzimate kwaba nga 1867, kuba khona kwebantfu eveni kwahlolwa lapho kugujwa kwedayimani lokukhulu kucala eKimberley. IDiamond Rush yaholela ekugutjweni kwalelitje leliligugu lokwaba nemtselela wekudvonsa tisebenti letingeMa-Afrika etincenyeni letehlukile eveni, lokufaka ekhatsi iMozambique neZimbabwe.<sup>2</sup>

Umphumela walesentakalo, njengoba bewutawuphindza wenteke lapho kugujwa igolide eWitwatersrand nga 1886, lapho kwalandzela Ema-Afrika. Njengoba besebatsatselwe live kantsi bakutfola kumatima kuphila ngetekulima, Ema-Afrika acala kusebenta njengetisebenti tasemayini kwekubili eKimberley naseJozi.

Njengoba Turrell abonisa, bambalwa labatama kubalekela kusebenta kunaloko betsengisa imikhicito lelinyiwe etisebentini tasemayini.<sup>3</sup>

Kuloko lesekuphawuliwe singabona kutsi kwenteka tintfo letimbili ngekuvela kwetimayini ngekwelizinga lelikhulu. Kwekucala kuhlukaniswa kwemnotfo waseNingizimu Afrika lokusukela kutekulima, besekufaka timayini.

---

<sup>2</sup> Turrell, Robert V (1987) *Capital and Labour on the Kimberley Diamond Fields, 1871–1890*. Cambridge, Cambridge University Press

<sup>3</sup> Ibid, pg. 21

Lokubili lokwentekile bekukuvela kweMa-Afrika lasebenta ngalokucondzile njengetisebenti tasemayini, kamuva njengetisebenti tasetimbonini njengoba iNingizimu Afrika icala kusungula timboni. Ezingeni lekutfutfukisa umnotfo nekuhlanganiswa kwayo, sibona kuvela inhlanganisela yetimayini netimboni.

Ngakulolunye luhlangotsi, kuvela kwenhlanganisela yetimayini netimboni lokuholela esigabeni sesibili nesesitsatfu sekutfutsa ngaloliwe.

Njengoba kuye kwacala ngelizinga lelipansi nga 1858 eNatal naseKapa, kantsi kube ngu 100 km nga 1870,<sup>4</sup> kututfukiswa kwaloliwe kuye kwakhula ngekwakhiwa kwekuchumana eKimberley kamuva kuchumana eWitwatersrand.<sup>5</sup>

Sifundza ngekubuka kuloku masinyane, kututfuka lokukhulu kwetimayini kwekutsi kwenteke njani kutsi lomkhakha uletse kukhula kwemnotfo waseNingizimu Afrika. Ikakhulukati, letigameko letentekile

---

<sup>4</sup> Inggs, E.J (2016) *Economic History of South Africa – MO001 for ECS2609*. Pretoria, University of South Africa. Pg. 160

<sup>5</sup> Ibid, pgs. 160 & 165

taholela ekusungulweni kweluhlelo lwebukepitali, lobebufaka buhlanga ngetento nangendlela bekwenta ngayo. Lokwalandzela, njengoba basho, kuyatiwa.

Kodvwa kungani ngiveta lomlandvo kulesigameko lesihlose kuhlola tinsayeya letibukene nalomkhakha nyalo?

### **Letinye Tinsayeya letibukene Nemkhakha weMayini**

Mphatsiluhlelo, iuhlatiyo lolubanti nalolujulile luveta kutsi ngalokufanele kute sivisise letinsayeya lesibukene nato namuhla, kumele sibuke emuva sikhawule nekutsi sifike njani lapha.

Kwekucala, kukusukela ekucaleni, imboni yetimayini beyingafaki wonkhe umuntfu mayelana nebunikati. Beyilandzela empheleni beyisebentisa tindlela tebuhlanga uma kufika endzabeni yebunukati nekulawula lokungumphumela webukoloni, lapho kamuva kwaba iuhlelo lolwahlukanisa ngekwelibala kuphindze kugcilata.<sup>6</sup> Ngako kumele siyilungise leyo nkginga lengafuni kusuka.

---

<sup>6</sup> See, for instance, Yudelman, D (1984) *The Emergence of Modern South Africa: State, Capital, and the Incorporation of Organised Labor on the South African Gold Fields, 1902–1939*. Cape Town and Johannesburg,

Ngivisia ngalendlela yekutsi tinkhulumiswano mayelana Nemculu  
Wemayini ufunu kubukana netinsayeya letifaka loko, kulokunye.

Incenye yesibili levelako njengoba imboni yetimayini ikhula kube  
kukhishwelwa ngaphandle kwemphakatsi wenzawo etinzuzeni  
lotitfolakala uma kukhuliswa timboni emhlabeni wawo.

Kalula loku kwabangela kutsatfwa kwemhlaba lebesekwentiwe lapho  
kuvela timayini ngekwelizinga lelikhulu.

Ngaphandle kwetigameko letimbalwa, njengaleminye imiphakatsi  
leminye yaseKimberley lengiye ngakhuluma ngayo phambilini leyazuza  
ngandlelatsite noko ngekwelizinga lelincane, linyenti lempakatsi  
amange lizuze kuletimayini.

Angifuni kuvakala ngatsi ngiyitsatsa kalula lendzaba leyinsayeya  
lenkhulu kangaka. Lena indzaba Ngcongcoshe lakhatsateke ngayo.  
Indzaba lekungasilula kuyisombulula etikhatsini tetfu, lokuyintfo

lengiyatiko, ngiyati futsi kutsi, iyincenyе yetinkhulumiswano Temculu Wemayini.

Kuyacaca kutsi lokumelwe kubukwe akusiko nje kutsi umphakatsi utawuzuza njani kuletimayini letenteka edvute natindzawo tawo. Indlela letinzozo letibukeka ngayo mayelana nebunjalo bato.

Nanyalo futsi, kuhlolа umlandvo kubalulekile.

Ngetulu kwaloko loku kuletsa simo lapho kukhula kwetimboni eNingizimu Afrika kwenteka khona, kutfolakala lokukhulu kwedayimani negolide kwenta kutsi kusungulwe Inyuvesi YaseKapa nayase Witwatersrand ngekwehlukana. Loku kabangelwa sidzingo selikhono lebunjiniyela.<sup>7</sup>

Ngako kungavetwa kutsi wonkhe emanyuvesi alapha ekhaya, njengawo wonkhe emanyuvesi emhlabeni wonkhe, asungulwa kute kubukane nesidzingo selikhono lelidzingekako.

---

<sup>7</sup> See <http://www.uct.ac.za/main/about/history>, and, <https://www.wits.ac.za/mecheng/history/> (Accessed on 27 April 2019)

Kuyintfo lengakatayelevi, kumatima nekuyichaza kutsi kungani iKimberley ingimange ikhule yaba lidolobha lelikhulu njengeJozi. Ite nenyuvesi yayo, kudzimate kube ngunyalo. Lena indzaba lekhetskile yendzawo lapho timbiwa betitsatfwa ngaphandle kwekucabanga ngentfutfuko nebantfu bayo.

Kungashiwo lokufanako ngemadolobha etimayini taseMpumalanga.

Kungakhatsaliseki kutsi ngibo labaphakela emandla live lelidzingekako ngekusebentisa emalahle ladzingeka kute kukhicitwe gezi, wonkhe emadolobha eprovincini solo mancane. Kungunyalo, njengoba sekunahulumende wentsandvo yelinyenti, kutsi sinenyuvesi lensha lapha.

Singafundzani kuloku, kumelwe kwentiweni?

### **Lamanye emacebo lamasha langacatjangelwa**

Lilene lemaphuzu labalukile lokukhunywa ngawo mayelana nemnotfo wetimayini kutsi live lakitsi kudzingeka litfutfukise inzuzo lenemamndla

yetimboni. Leli liphuzu Ngcogcoshe lati kahle kukhuluma ngalo. Kufanele ngalokuphutfumako, sikhombise sidzingo, sekusheshisa kwentiwa kwalendlelamust.

Ngcogcoshe, ngicela kukuveta kutsi yinye yetintfo lokumele uyicabangele kutsi uyente, ngetulu kwekfaka tinzozo, kantsi ngiyetsema kutsi wenta njalo, kutsi ube nembandzela wekutsi uma kusungulwa timayini kusasa kubalekelwe emaphutsa lentiwe esikhatsini lesengcile.

Ngisho kutsini ngaloku?

Ngicela kusho kutsi letinye tintfo lokumele tinakwe kuhlanganisa imitamo lemisha yetimayini ngenhloso yekwentiwa kwetimboni kulendzawo.

Kumele kuhlelwe kuphindze kutfutfukiswe emadolobha lamasha kulendzawo, umsebenti waho lomkhulu kutawuba kukhicia.

Asikho sizatfu sekugcizelela kutsi kukhicia kutawuhlala kuyinsika yanoma nguliphi live lelinshisakalo yekutfutfuka. Ngakoke,

njengencenyé yalisu lekutfutfuka, kumele kucatjangisiswe kahle, kuhlelwe kahle, kuphatfwe kahle luhlelo Iwekuheha basisi kulendzawo legcinelwe timayini.

Lokuhlobene naloluhlelo Iwekusisa kusungula sisekelo lesismeme sekukhicitá lokulongakahlobani netimboni, kumelwe kuhlelwe kahle indzawo leyenele yekuhlala.

Kwentiwa kwetimboni lokuhlelwe kahle neluhlelo Iwendzawo yekuhlala lotawuholela “ekukhahleleni” kwemiphumela yetemnotfo letiphindzaphindzako lokutawuholela ekutfutfukene kwekunakekela timboni.

Ngisho konkhe loko, ngisho nome ngati kutsi umnotfo waphansi uyaphela.

Siyayati imiphumela levelele emadolobha lamanyenti asetimayinini, bekenta kahle kodvwa nyalo sekwaba “tidzala” njenge Kleinzee<sup>8</sup> Entjonalanga Kapa.

Lokumele kube setingcondvweni tebahleli bemadolobha kuciniseka kutsi lapho sekusungulwe intfutfuko lesikiselwe, lawo madolobha atawuphumelela ngale kwalapho timayini tingasekho.

Insayeya lesibukene nayo namuhla akusiko kutsi sitakhona, njengebantfu, kuvala kutsembele kwetfu emitfombeni lephelako bese avalwe ngalayo levuselelwako. Loku lesesikukwentile, ngekwesibonelo kutsatselwa indzawo irabha yesilikhoni. Ngakoke, emafutsa angavalwa ngaloko lovuselelwako; labo labatiko, nalabo labatawutfola ngemacebo lamasha esayensi.

Kunalokho, insayeya yetfu kwakha temnotfo letihlala njalo ngaphandle kwemayini, letawuhlala kndlula imayini. Ngenca yalesizatfu, kumele sihlola tindlela lettingahlanganiswa ngemave lafana nabon China neQatar. Kokubili kutibandzakanye endleleni lenemandla noko lehlelwé

---

<sup>8</sup> See <https://www.sa-venues.com/attractionsnc/kleinzee.php> (Accessed on 27 April 2019). Established in 1927, the town produced diamonds until around 2009 when De Beers downscaled and finally closed its operations. By 2011, most of the estimated 370 houses were empty, with the population having dwindled from 7 000 to 1 000.

kahle yekukhicitu nemafutsa ngalokwehlukene.<sup>11</sup> Kungako lenkhomfa yemfundvo ibalulekile, ihlanganisa ndzawondze umkhakha wetemfundvo, inhlangano lekhetskile yelucwaningo ngemaminerali, iMintek, Litiko Letimbwa, netimboni.

### **Sidzingo Ngelisu Lekubambisana Naloko Lokungahle Kwenteke**

Siyatsema kutsi lokubambisana lotawatalwa ngembi kwemasu lolubambiswano lolutawusita kutfola tisombululo kuletinye tinsayeya lesibukene nato. Ngako ngincononta kutsi sitilungiselela njengenyuvesi kute sibe neligalelo kuloko lokutfoliwe nekwakheka kwaletu tisombululot.

Inyuvesi YaseNingizimu Afrika ingaba neligalelo emazingeni lahlukene mayelana naloko lokungahle kwenteke njengob ngibonisile ekucaleni.

Ekucaleni, balingani Ekolishi Letemtsetfo lingakhulunyiswa kutsi livete imibono yalo etincenyeni letehlukene mayelana netingucuko, nekutsi Umculu Wemayini ungasetjentiswa njani.

<sup>11</sup> See, for instance Li, S; Li, M; and Tan, J J (1998) Understanding Diversification in a Transition Economy: A Theoretical Exploration, *Journal of Applied Management Studies*, Volume 7, Issue 1, pp. 77–94; and, Morakabati, Y; Beavis, J; and, Fletcher, J (2014) Planning for a Qatar Without Oil: Tourism and Economic Diversification, a Battle of Perceptions, *Journal of Tourism Planning and Development*, Volume 11, Issue 4, pp. 415–434

Njengoba “silwa” netindzaba tetingucuko njengenyuvesi, indlela lesibuka ngayo ingucuko ilula: asijiki uma kufika endzabeni yengucuko njengoba isidzingo sekucinisekisa kutsi kukhula lokufaka wonkhe lokutawusita sonkhe sakhaamuti saseveni lakitsi.

Incenye yesibili yekubambisana lokungahle kwenteke mayelana neluhlatiyo nekubiketela umnotfo.

Ngiya ngaveta ekucaleni kutsi ematfuba ekusungula timayini “aboshelwe ku” eluhlelweni Iwekusisa lokubanti nekukhula lokukhulu etincenyeni lokubukwe tonna. Kungako ngikholelwa ku Bureau of Market Research, lokuyimboni lehamba embili, ingaba neligalelo.

kwekugcina, Ikolishi Yesayensi, Bunjiniyela neBucwepheshe, ngalokukhetsekile, Litiko Lagezi neBujiniyela eMayini, bangabelana

Iwati lwabo labanalo. Kungalapho kubambisana lokuphilako neMintek nematiko avelonkhe esayensi nemibuto yebucwepheshwe ingahlolwa.

Ngcogcoshe, ngifisa kugcizelela kutsi kumele sicoce kabanti, emkhatsini wetfu njengenyuvesi, iMintek, nelitiko; kutsi sihlole letintfo leti naletinye tincenye letingahle tibe khona tekubambisana.

Kungenca yalesizatfu saloko kutsi lokungahle kwenteke kulekhomfa yemfundvo yanamuhla kutsi iyangijabulisa kakhulu njengoba itfwele tinhlanyela talokukhulu nakwentiwa kabusha kwetintfo eveni.

Sime ngemumo njengenyuvesi kute sibe neligalelo kuloku, kutfutfuka eveni lonkhe.

Egameni Lemkhandlu, Buphatsi, Tisebenti neBafundzi beNyuvesi yaseNingizimu Afrika, ngifisa kunamukela nonkhe.

Ngiyabonga.